



8. marts 2010

Inatsisartut suleriaasianni § 36 imm. 1 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqut:

Suna imaluunniit suut pissutsit tunngavigalugit tikaagulliit januarip aallaqqaataaniit apriliip aallaqqaataata tungaanut nunatsinni piniarneqarsinnaasannngillat?

Tikaagulliit ukioq naallugu piniagaasalernissaannik Naalakkersuisut sulissuteqalikkersaarpaat?

(Inatsisartuni ilaasortaq Karl Lyberth, Siumut)

Tunngavilersuut:

Naluneqanngitsutuut tikaagulliit piniarneqarsinnaasannngillat januarip aallaqqaataaniit apriliip aallaqqaataata tungaanut. Piffissami tassani tikaagulliit piniarneqarsinnaannginnerinut patsisaagunarpoq piffissami tassani tikaagulliit piaqqiortarmata.

Pissutsinik nalunnginnittut tamarmik ilisimavaat nunatta imartaani tikaagulliit piaqqiunngisaannartut, immanut kujasinnerusunut piaqqiortartarnertik pissutigalugu. Taamaakkaluartoq suna pissutiginerlugu tikaagulliit arlallit nunatsinni ukiisarput. Qularnaatsumilli oqaatigisariaqarpoq tikaagulliit nunatsinni ukiisartut piaqqiornissartik siunertaralugu ukiisanngimmata.

Tikaagulliit ukiumut pisassat aalajangersimasumik amerlassusiligaasarput, taamaattumik paasiuminaatsutut oqaatigisariaqarpoq piffissami aalajangersimalluinnartumi tikaagulliit nunatsinni piniarneqarsinnaasannnginneri.

Tikaagulliit pisassat amerlinggikkaluarlugit ukioq naallugu piniagaasinnaaneri ammaanqarpata tikaagulleqassutsimut akornutaanissaa takujuminaappoq. Taaneqareersutut naluneqanngereermat tikaagulliit nunatta imartaani piaqqiorneq ajorput. Tikaagulliit ukioq naallugu piniagaasalernerisa kingunerissavaa ukioq naallugu tikaagulliit neqaannik nutaanik pissarsisinnaalerneq tamanut iluaqutaasumik.